



KO TE

# KAHITI O NIU TIRENI.

HE MEA TA I RUNGA I TE MANA O TE KAWANATANGA.

PONEKE, TAITE, MEI 15. 1919.

*Panuitanga Whenua Maori hei Whenua Karauna i raro i Tekiona 14 o te Ture Whakatikatika Ture Whenua Maori, 1914.*

(L.S.) LIVERPOOL, Kawana-Tianara.  
HE PANUITANGA.

**N**OTEMEA kua whakaritea, *inter alia*, e tekiona tekau ma wha o te Ture Whakatikatika Ture Whenua Maori, 1914, ki te marama kua ata oti te hoko o tetahi whenua Maori e te Karauna i raro i te mana o te Ture Whenua Maori, 1909, ka ahei te Kawana-Tianara ki te whakaputa i tetahi Panuitanga hei whakaatu kua riro taua whenua hei whenua Karauna.

A notemea kua ata oti te hoko ki te Karauna i raro i te mana o te Ture Whenua Maori, 1909, o te whenua Maori e whakaaturia nei e te Kupu Apiti ki tenei.

Na reira, i runga i te whakahaereenga me te whakatutukitanga i nga kaha me nga mana kua whakawhiwhia ki a au e tekiona tekau ma wha o te Ture Whakatikatika Ture Whenua Maori, 1914, ko ahau, ko Arthur William de Brito Savile, Earl o Liverpool, te Kawana-Tianara o te Tominiiona o Niu Tireni, tenei ka panui ko nga whenua e whakaaturia nei e te Kupu Apiti ki tenei kua riro hei whenua Karauna.

KUPU APITI.

TAKIWA RUURI O WHAREPAPA.

Poraka.		Nga Eka.
		E. R. P.
RANGITOTO A 8B Nama 1	.. ..	90 0 0
Rangitoto A 8B Nama 2	.. ..	194 2 11

He mea tuku i raro i te ringa o His Excellency te Right Honourable Arthur William de Brito Savile, Earl o Liverpool, Mema o te Tino Honore Piriwi Kaunihera o te Kingi, Knight Grand Cross o te Most Distinguished Order o Saint Michael me Saint George, Knight Grand Cross o te Most Excellent Order o te British Empire, Mema o te Royal Victorian Order, Knight of Grace o te Order o Saint John o Hiruharama, Kawana-Tianara, Tino Rangatira o te Tominiiona o te Kingi i Niu Tireni me nga Motu kei raro i te mana o taua Tominiiona; he mea whakaputa i raro i te Hiiri o taua Tominiiona, i te Whare o te Kawana i Poneke, i tenei te waru o nga ra o Mei, te tau o to tatou Ariki kotahi mano e iwa rau kotahi tekau ma iwa.

W. H. HERRIES,  
Minita mo nga Mea Maori.

E TE ATUA TOHUNGIA TE KINGI!

Kahiti—A.

*Kapenga Whenua ki Waho o nga Tikanga o Tekiona 107 tae noa ki Tekiona 110, Tekiona 115, me Tekiona 116 o te Ture Whakatikatika Ture Whenua Maori, 1913, me te Panuitanga ko taua Whenua kua tino Herea Rawatia.*

LIVERPOOL, Kawana-Tianara.  
OTA KAUNIHERA.

I te Whare o te Kawanatanga i Poneke, i tenei te tekau ma rua o nga ra o Mei, 1919.

Tu ana i reira :

KO TE HONORE SIR JAMES ALLEN, K.C.B., HEI TUMUAKI MO TE KAUNIHERA.

**N**OTEMEA e ai ki tekiona kotahi rau kotahi tekau ma waru o te Ture Whakatikatika Ture Whenua Maori, 1913 (ka huaina i raro nei ko "taua Ture"), kua oti te whakatau mehemea ka marama ki te Minita tera tetahi whenua kua mau ki roto ki tetahi tono me tetahi ripoata, i raro ano ia i taua tekiona, i tetahi wahi ranei o taua tekiona, e tika ana i runga ano ia itemea hei painga mo nga tangata no ratou taua whenua, mo tetahi wahanga, a mo etahi ranei, o taua hunga, kia kapea ake taua whenua ki waho o nga tikanga o tekiona kotahi rau ma whitu tae noa ki tekiona kotahi rau kotahi tekau, tekiona kotahi rau kotahi tekau ma rima, me tekiona kotahi rau kotahi tekau ma ono o taua Ture a ka ahei te Kawana-Tianara, i runga i tetahi Ota Kaunihera, ki te panui ka peratia, a hei reira ano kapea ake ai te whenua kua whakaaturia i roto i taua Ota Kaunihera ki waho o nga tikanga o tekiona kotahi rau ma whitu tae noa ki tekiona kotahi rau kotahi tekau, tekiona kotahi rau kotahi tekau ma rima, me tekiona kotahi rau kotahi tekau ma ono :

A notemea ka ahei te Kawana-Tianara i runga i taua Ota Kaunihera i tetahi Ota Kaunihera i muri iho ranei ki te panui ko te whenua kua mau ki roto ki tetahi tono i raro i taua tekiona kotahi rau kotahi tekau ma waru ka tino herea rawatia haunga ia mo te wira :

A notemea ko nga whenua kua whakaaturia e te Kupu Apiti ki tenei kua taka ki raro i nga tikanga o tekiona kotahi rau ma whitu tae noa ki tekiona kotahi rau kotahi tekau, tekiona kotahi rau kotahi tekau ma rima, me tekiona kotahi rau kotahi tekau ma ono o taua Ture :

A notemea i runga i te tono a te tokomaha o nga tangata whaipaaanga ki aua whenua, kua puta te ripoata a tetahi Tiati o te Kooti Whenua Maori ko nga tangata no ratou nga whenua kua whakaaturia e te Kupu Apiti ki tenei e hiahia ana ki te pupuri i aua whenua hei whakawanui atu i te papakainga, a kua tohutohu taua Tiati ko aua whenua me kape ake ki waho o nga tikanga o aua tekiona kotahi rau ma whitu tae noa ki tekiona kotahi rau kotahi tekau, tekiona